



BOSNIA AND HERZEGOVINA
MINISTRY OF FINANCE
AND TREASURY

Broj: 01-12-1-6/22

Sarajevo, 27. 4. 2022.

Na osnovu člana 14. st. (2) i (3) Zakona o slobodi pristupa informacijama u BiH („Službeni glasnik BiH“ br. 28/00, 45/06, 102/09, 62/11 i 100/13) i Rješenja o imenovanju službenika za informisanje br. 01-34-1-7596-1/18 od 11.6.2018. godine, a rješavajući po zahtjevu za pristup informacijama Adnana Jasike iz Sarajeva, Ul. Grada Kalgarija 3, službenik za informisanje donosi:

RJEŠENJE

o pristupu informacijama

- Odobrava se pristup informacijama Adnanu Jasiki koje su tražene 13. 4. 2022. godine

Obrazloženje

Podnosilac zahtjeva Adnan Jasika obratio se 13. 4. 2022. godine Ministarstvu finansija i trezora BiH da mu se dostave podaci dali je u periodu od 15. 9. 2021. do 12. 4. 2022. godine bilo isplata 30 odsto dnevnice državnim službenicima ministarstava i institucija koje se nalaze pod jurisdikcijom Savjeta ministara BiH kada sve troškove njihovog putovanja u inostranstvo snosi organizator.

Shodno traženom obavještavamo podnosioca zahtjeva da Ministarstvo finansija i trezora ne raspolaže informacijom da li je u naznačenom periodu bilo isplata 30 odsto dnevnica državnim službenicima zaposlenim u institucijama BiH, uključujući i ministarstva.

Shodno procedurama u Informacionom sistemu finansijskog upravljanja (ISFU sistem), koji se vodi pri Ministarstvu finansija i trezora BiH, evidentirani su ukupni troškovi koje su institucije BiH imale po osnovu isplaćenih dnevnica za službena putovanja svojim zaposlenim.

Iz navedenih podataka nije vidljivo po kojem osnovu i u kojim slučajevima su isplaćene navedene dnevnice jer te podatke institucije pojedinačno imaju u svojim evidencijama i nisu dostupne Ministarstvu finansija i trezora BiH.

Uputstvo o pravnom lijeku: Protiv ovog rješenja može se, u roku od 15 dana po prijemu, podnijeti žalba Žalbenom vijeću BiH. Može se obratiti i Instituciji ombudsmena za ljudska prava BiH na adresu: Ul. Akademika Jovana Surutke 13, 78000 Banja Luka, Tel/Fax: 051/ 303 992.

Dostavljeno:

- Adnan Jasika
- a/a




SLUŽBENIK ZA INFORMISANJE

Nataša Krsman

Bosna i Hercegovina

Ministarstvo finansija i trezora BiH



Predmet - Zahtjev za pristup informaciji u skladu sa odredbama člana 4. Zakona o slobodi pristupa informacijama

ok copy

Poštovani

Presudom drugostepenog građanskog vijeća br. S1 3 P 036346 21 GŽ od 13.09.2021 godine, kao jednom od stranaka u postupku, odbijena mi je žalba u kontekstu isplate 30 % dnevnice od strane Ministarstva za ljudska prava i izbjeglice BiH u situacijama kada sve troškove snosi organizator za dnevnicu utvrđene za konkretnu zemlju.

I pored činjenice da sam kao državni službenik nebrojeno puta za ovakva putovanja dobijao 30 % dnevnice od strane Ministarstva za ljudska prava i izbjeglice BiH, te da smo za ovaj predmet dobili i službeno mišljenje Ministarstva finansija i trezora BiH koje u potpunosti objašnjava i precizira postojeće materijalne propise u ovoj oblasti, drugostepeno građansko vijeće je donijelo Rješenje kojim su svi naši zahtjevi odbačeni, odnosno da nemam pravo na 30 % dnevnice kada troškove snosi organizator. .

Prema (raspoloživim informacijama) i Ministarstvo finansija i trezora BiH i Ured revizora upoznati sa ovom odlukom ali se (prema raspoloživim informacijama) isplata 30 % dnevnice od strane svih drugih ministarstava kada sve troškove snosi organizator i dalje isplaćuje državnim službenicima.

Sa ciljem utvrđivanja moguće različite primjene važećih materijalnih propisa spram državnih službenika od ministarstva do ministarstva molim da mi u skladu sa odredbama Zakona o slobodi pristupa informacijama omogućite pristup informaciji

- **da li je u vremenskom periodu od 15.09.2021 godine do 12.04.2022 godine bilo isplata 30 % dnevnice državnim službenicima ministarstava i institucija koje se nalaze pod jurisdikcijom Vijeća ministara BiH kada sve troškove njihovog putovanja u inostranstvo snosi organizator.**

S poštovanjem

U Sarajevu

12.04.2022

Adnan Jasika

Grada Kalgarija 3

71000 Sarajevo

Prilog

Kopija akta Ministarstva finansija i trezora BiH br 08-16-1-9987-2/19

Kopija Rješenja S1 3 P 036436 21 GŽ od 13.09.2021 godine